

Erti sebuah persahabatan

UB 17.10.2012 B4



BICARA KAMPUS

Oleh ZAITON MOHAMAD
zaitonmohamad@yahoo.com

ANDA mahu menjadi orang positif. Kalau begitu lihat dengan siapa anda berkawan hari ini? Apa topik-topik perbualan anda hari ini? Apa aktiviti-aktiviti yang anda lakukan bersama mereka? Orang yang positif biasanya akan bercakap tentang perkara yang membawa manfaat. Kawan yang positif ialah mereka yang membawa kita ke arah kebaikan bukannya keburukan. Peliknya kita ni, seolah-olah susah

sangat nak tinggalkan kawan. Kalau dah tahu kawan tu tak guna buat apa tunggu lagi. Come on! Di luar sana masih begitu ramai mereka yang positif yang mampu menjadikan hari anda hari yang lebih baik dari semalam, itulah petikan daripada kata-kata Dr. Tengku Asmadi T. Mohamad, Ph.D dalam slot Mutiara Kata.

Orang yang bahagia adalah orang yang tahu tujuan sebenar sebuah kehidupan. Apabila seseorang mengetahui bahawasanya hidup ini satu perjalanan, pastinya dia akan mengetahui tujuan

perjalanannya itu. Jika tidak diibaratkan seperti seorang musafir yang berkelana dan tersesat di tengah-tengah gurun sahara yang tidak ada penghujungnya. Begitu juga dalam kehidupan seharian, sekiranya sukar untuk untuk mendapatkan seorang rakan yang boleh berkongsi mengenai kehidupan sebenarnya, maka kembalilah kepada Allah sesungguhnya Dia tidak pernah lupa untuk mengasihi hambanya.

Justeru itu dalam kehidupan seharian kita selalu dikejutkan dengan berita sedih dan gembira.

Begitu juga bagi para pelajar di sekolah-sekolah mahupun universiti berapa ramaikah kawan-kawan kita bersedia untuk membantu sekiranya kita dalam kesukaran sebagai contohnya anda berada dalam kesukaran untuk mendapatkan bahan rujukan untuk membuat kertas kerja, mendapatkan nota untuk bahan bacaan, sakit dan sebagainya, berapa ramaikah kawan-kawan yang sudi menghulurkan bantuan kepada anda ketika itu? Sudah tentu masing-masing cuba mengelak diri dari anda atau pura-pura tidak

mengetahui yang anda berada dalam kesusahan. Atau pun hanya menabur janji-janji manis untuk menyedapkan hati anda? Justeru itu bermula dari saat ini cubalah renung-renungkan siapakah kawan-kawan anda yang boleh dijadikan tempat untuk meminta bantuan, berkongsi masalah anda dan sebagainya. Jadi cubalah buat penilaian dalam setiap kasih sayang pada kawan-kawan tersebut supaya anda sendiri tidak merana di kemudian hari, maklumlah dalam kehidupan yang serba mencabar ini bila-bila

masa kawan boleh menjadi lawan, kawan baik sendiri yang setiap masa berkepit ke sana sini pun boleh jadi racun dalam diam yang boleh merosakkan masa depan anda sendiri dan kawan yang sebegini lebih berbahaya daripada musuh yang jelas diketahui.

Jadi berbaloi ke setiap masa anda menghabiskan masa bersama dengan kawan-kawan sebegini? Sudah tentu dari sudut psikologi juga anda berasa sedih, benci dan merasa tidak selesa dengan situasi sebegini, anda perlu berlakon dan berpura-pura di depan orang yang anda

sakiti ataupun mangsa yang disakiti. Penatnya membuat muka manis dan bercakap macam biasa pada orang sebegini. Jadi Come on! Tinggal saja orang sebegini, ramai lagi yang sudi menerima anda sebagai rakan, anda tidak rugi apa pun sebaliknya anda akan lebih selesa dalam meneruskan aktiviti dan kehidupan harian anda. Selamat menempuhi peperiksaan kepada semua calon Penilaian Menengah Rendah tahun 2012.

* Penulis adalah Pegawai Psikologi, Jabatan Hal Ehwal Pelajar, UMS